

四庫全書

經部

欽定四庫全書

日講春秋解義卷三十七

襄公

公名午成公子母定姒諡法因事有功曰襄辟土有德曰襄

周

簡王十四年魯襄公元年簡王崩子靈王立襄二十八年靈王崩子景王立

鄭

成公十三年魯襄公二年成公卒子僖公髡禎立襄七年僖公卒簡公嘉立

齊

靈公十年魯襄公十九年靈公卒子莊公光立襄二十五年莊公弑弟景公杵臼立

宋

平公四年

晉

悼公復霸元年韓厥為政襄七年知罃為政襄十一年會於蕭魚服鄭襄十三年荀偃為政襄十五年悼

公卒子平公處立襄十九年士句為政襄二十五年  
趙武為政襄二十七年晉楚盟於宋南北分霸始此  
衛獻公五年魯襄公十四年獻公奔齊衛立公孫剽是  
為瑤公襄二十六年瑤公弒蘇復歸於衛襄二十九

年獻公卒

子襄公立

蔡

景公二十年魯襄公三十  
年景公弒子重公般立

曹

成公六年魯襄公十八  
年成公卒子武公滕立

滕

詳見成  
公元年

陳

成公二十七年魯襄公四  
年成公卒子衷公溺立

杞

桓公六十五年魯襄公六年桓公卒子孝公  
句立襄二十三年孝公卒弟文公益姑立

薛

詳見僖  
公元年

莒

比公五年魯襄公十六年晉執比  
公襄三十一年比公弑子展與立

邾

宣公三年魯襄公十六年晉執宣公襄十七  
年宣公卒悼公華立襄十九年晉執悼公

許

靈公十八年魯襄公二十六  
年靈公卒於楚悼公買立

小邾

魯襄公七年小  
邾穆公來朝

楚

共王十九年子重為令尹魯襄公三年子重伐吳卒  
子辛為令尹襄五年楚殺子辛子囊為令尹襄十三

年共王卒子康王昭立襄十五年子庚為令尹襄二  
十一年子南為令尹二十二年遂子馮為令尹襄二

十五年子木為令尹襄二  
十八年康王卒却敖麇立

秦

景公五年

吳

壽夢十四年魯襄公十二年壽夢卒諸樊立一名遏  
襄二十五年遏門於巢卒餘祭立一名載襄二十九

年餘祭卒夷末

立一名餘昧

越

詳見隱公元年  
及昭公元年

欽定四庫全書

日講春秋解義卷三十七

襄公

名午成公之子母定姒以簡王十四年即位謚法因事有功曰襄

元年春王正月公即位

殺梁繼正即位正也

按九年左氏傳曰會于沙隨之歲寡君以生晉侯  
曰十二年矣則是年公始四歲而三年遂朝於晉  
蓋霸體日肆小國畏之而越禮以相奉也

仲孫蔑會晉欒黶宋華元衛甯殖曹人莒人邾人滕人  
薛人圍宋彭城

左傳元年春己亥圍宋彭城

下有二月則此己亥為正月正月無己亥日誤非

宋地追書也

成十八年楚取彭城以封魚石故曰非宋地夫子治春秋追書繫之宋于

是為宋討魚石故稱宋且不登叛人也

登成也不與其專邑叛君

故使彭城還繁宋

謂之宋志

稱宋亦以成宋志

彭城降晉晉人以宋

五大夫在彭城者歸寘諸瓠丘

彭城降不書賤畧之瓠丘杜注晉地河東

東垣縣東南有壺丘亦曰陽壺寘字記曰古陽壺城南臨大河今山西垣曲縣東南陽壺城是也五大夫

魚石向為人鱗  
朱向帶魚府

齊人不會彭城晉人以為討二月齊

太子光為質于晉

光齊靈公太子

公羊傳

宋華元曷為與諸侯圍宋彭城為宋討也其為

宋討奈何魚石走之楚楚為之伐宋取彭城以封魚石魚石之罪奈何以入是為罪也

說在成十八年

楚已取之

矣曷為繫之宋不與諸侯專封也

穀梁傳繫彭城于宋者不與魚石正也

魚石人臣而取君之邑邑以繫

國為正故言繫彭城于宋不與魚石正也



據傳楚已取彭城封魚石戍之三百乘矣則曷為  
繫之宋楚不得取之宋魚石不得受之楚雖專其  
地君子不登叛人所以正疆域固封守謹王度也  
齊國夏衛石曼姑圍戚不繫之衛此圍彭城諸侯  
之師與宋華元偕其事正同而書宋彭城何也蒯  
聵衛之世子時君之父也既入于戚則戚固其邑  
矣何必繫之衛哉彭城為楚所奪而宋之叛臣據  
之必繫於宋大義始著此春秋之書所以微而顯

也

夏晉韓厥帥師伐鄭

厥公羊作屈

仲孫蔑會齊崔杼曹人邾人杞人次于鄆

鄆公羊作合杜注鄭地在

陳雷襄邑縣東南

左傳夏五月晉韓厥荀偃帥諸侯之師伐鄭入其郭敗

其徒兵于洧上

洧上杜注洧水出密縣東南至長平入潁潁長平在今河南西華縣

于

是東諸侯之師次于鄆以待晉師晉師自鄆以鄆之

師侵楚焦夷及陳

孟獻子自鄆先歸不與侵陳楚故不書

晉侯衛侯次

于戚以為之援

晉悼公既克彭城禽五大夫於是伐鄭以討其從  
楚納魚石之罪以韓厥自足當鄭不欲重勤東諸  
侯之師故使次于鄆以懾鄭心且備楚師之出也  
傳稱楚子辛救鄭而經不書以鄭懷集矢之小德  
而不能以大義裁之附楚以侵軼同盟獎助亂臣  
無可救之善耳

秋楚公子壬夫帥師侵宋

左傳秋楚子辛救鄭侵宋呂留呂留杜注二縣屬彭城郡今俱在徐州境鄭

子然侵宋取犬丘

犬丘杜注譙國鄆縣東北有犬丘城今河南永城縣西北大丘集是

也

九月辛酉天王崩

邾子來朝

左傳九月邾子來朝邾宣禮也

冬衛侯使公孫剝來聘

晉侯使荀瑩來聘

傳冬衛子叔晉知武子來聘

子叔公孫刺

禮也凡諸侯即

位小國朝之大國聘焉以繼好結信謀事補闕禮之

大者也

三國朝聘左氏皆以為禮杜氏預以為王赴未至

穀梁注公羊疏皆主杜氏獨胡氏安國主孫氏復

說謂赴告已及按經冬下無月日後二月又無事

見經諸家之說無所據以辨其孰是也

二年春王正月葬簡王

鄭師伐宋

左傳

二年春鄭師侵宋

書伐從告

楚令也

以彭城故

書師著其用大衆也

附錄左傳

齊侯伐萊萊人使正與子賂夙沙衛以索馬牛

皆百匹

正與子賂夙沙衛齊奇人索簡擇好者

齊師乃還君子是以

知齊靈公之為靈也

諡法亂而不損曰靈言謚應其行

夏五月庚寅夫人姜氏薨

左傳夏齊姜薨

齊諡也

初穆姜使擇美櫝以自為櫬與頌

琴

檠梓之屬槨棺也頌琴琴名猶言推琴皆欲以送終

季文子取以葬君子曰

非禮也禮無所逆婦養姑者也虧姑以成婦逆莫大

焉

穆姜成公母齊姜成公婦

詩曰其惟哲人告之話言順德之行

詩大雅哲知也話善也言知者行事無不順

季孫于是為不哲矣且姜氏

君之妣也

哀公適母

詩曰為酒為醴烝畀祖妣以洽百禮

降福孔偕

詩周頌烝進也畀與也偕徧也言敬事祖妣則鬼神降福季孫葬姜氏不以禮是不

敬祖妣

六月庚辰鄭伯踰卒

左傳鄭成公疾子駟請息肩于晉欲辟楚役以負唐喻公曰楚君

以鄭故親集矢于其目

謂鄢陵戰射楚王目

非異人任寡人

也若背之是棄力與言

言盟誓之言

其誰暱我免寡人唯

二三子秋七月庚辰

庚辰七月九日經書六月誤

鄭伯踰卒

不書葬者成公背中國故諸侯不會其葬也

晉師宋師衛甯殖侵鄭

左傳于是子罕當國

攝君事

子駟為政子國為司馬晉師

侵鄭諸大夫欲從晉子駟曰官命未改

成公未葬嗣君未免喪故



言未改不欲  
違先君意

穀梁傳

其曰衛甯殖如是而稱于前事也

初衛侯速卒鄭人侵之故

衆甯殖之報以  
明稱于前事

晉宋稱師將卑師衆也衛書甯殖將尊師少也考  
其事而師將之當兼重見矣上言鄭伯踰卒下書  
三國侵譏伐喪也

秋七月仲孫蔑會晉荀偃宋華元衛孫林父曹人邾人  
于戚

傳左會于戚謀鄭故也孟獻子曰請城虎牢以偪鄭虎牢

杜注舊鄭知武子曰善鄭之會吾子聞崔子之言今邑後屬晉

不來矣元年孟獻子與齊崔杼次于鄆崔杼有不滕薛小

邾之不至皆齊故也三國齊之屬寡君之憂不唯鄭瑩將

復于寡君而請于齊以城事白晉君而請得請而告

吾子之功也得請謂齊人應命告諸侯會築虎牢若不得請事將在齊

吾子之請諸侯之福也豈唯寡君賴之傳言荀瑩能用善謀

將城虎牢也其未城者齊與滕薛小邾不至也然

大夫專會以謀鄭政在大夫矣

已丑葬我小君齊姜

左傳齊侯使諸姜宗婦來送葬

婦人赴疆送葬非禮

召萊子

萊姜姓故

之萊子不會故晏弱城東陽以逼之

為六年滅萊傳東陽杜注齊竟

上邑今東陽城在山東臨朐縣東

公羊傳齊姜者何齊姜與繆姜則未知其為宣夫人與

成夫人與

叔孫豹如宋

左傳穆叔聘于宋通嗣君也

冬仲孫蔑會晉荀瑩齊崔杼宋華元衛孫林父曹人邾人滕人薛人小邾人于戚遂城虎牢

左傳冬復會于戚齊崔武子及滕薛小邾之大夫皆會

知武子之言故也

武子言事將在齊齊人懼帥小國而會之

遂城虎牢鄭

人乃成

公羊傳虎牢者何鄭之邑也其言城之何取之也取之

則曷為不言取之為中國諱也曷為為中國諱諱伐

喪也曷為不繫乎鄭為中國諱也大夫無遂事此其  
言遂何歸惡乎大夫也

殺榮

若言中國焉

中國猶國中也不繫虎牢于鄭如國中之邑也

內鄭也

鄭服

罪故內之

鄭當南北之衝故禦楚必先服鄭而虎牢乃鄭之  
要塞城虎牢則鄭不敢南嚮楚不得北師而天下  
蒙其安故不繫于鄭示鄭不得專也自平王東遷  
鄭武公為卿士王賜之虎牢以東後失其地鄭厲

公納惠王王復與之然齊桓之霸說鄭申侯而與之虎牢則固未嘗以虎牢為中國之輕重也至晉厲悼時則近楚微國吞噬靡遺若陳若蔡若許皆世服焉鄢陵之後三合諸侯連諸國之師而不能服鄭楚與鄭無歲不加兵於宋及虎牢既城則雞澤之盟鄭不召而自至而陳亦改圖北嚮則是役也成功甚大而義亦無愆此聖人所以不繫之鄭與

楚殺其大夫公子申

左傳

楚公子申為右司馬多受小國之賂以逼子重子

辛楚人殺之故書曰楚殺其大夫公子申

言所以致國討之文

三年春楚公子嬰齊帥師伐吳

吳楚爭疆自此始

左傳三年春楚子重伐吳為簡之師

簡選練

克鳩茲至于

衡山

鳩茲杜注吳邑在丹陽蕪湖縣東今江南蕪湖縣東有鳩茲港是也衡山杜注在吳興府烏程

縣南案烏程去蕪湖甚遠今江南當塗縣東北有橫山以為近之

使鄧廖帥組甲三

百被練三千

組甲漆甲成組文被練練袍

以侵吳吳人要而擊之

獲鄧廖其能免者組甲八十被練三百而已子重歸  
既飲至三日吳人伐楚取駕駕良邑也鄧廖亦楚之  
良也君子謂子重于是役也所獲不如所亡當時君子楚  
人以是咎子重子重病之遂遇心疾而卒

楚始伐吳以吳與於鍾離之會也楚自鄢陵以後  
勢稍挫屈畏晉與諸侯并力謀之而吳乘其後故  
先有事於吳然國政失御大臣相殘既與晉讎又  
結吳怨適見其謀國之不臧耳



公如晉

左傳公如晉始朝也

童子侯不朝王蓋不可接以成人之禮也豈可反

朝同列乎

夏四月壬戌公及晉侯盟于長檣

長檣孔氏穎達曰近城地

左傳夏盟于長檣孟獻子相公稽首知武子曰天子在

而君辱稽首寡君懼矣

稽首事天子之禮

孟獻子曰以敝邑

介在東表密邇仇讎

仇讎謂齊楚與晉爭

寡君將君是望敢不

稽首

傳言獻子能固事盟主

春秋時諸侯不親盟於他國文二年公如晉晉人使陽處父盟公三年請改盟猶盟於其國非禮也今悼公修禮於魯若不敢使魯君就已而出盟於外以相就者然此諸侯所以睦於晉也

公至自晉

附錄左傳

晉為鄭服故且欲修吳好

鄭服在前年

將合諸侯使

士匄告於齊曰寡君使匄以歲之不易

不易多難也

不虞

之不戒寡君願與一二兄弟相見以謀不協請君臨之使勾乞盟齊侯欲勿許而難為不協乃盟于彤外

彤杜注水名案彤水即時水也平地出泉曰彤祁奚請老晉侯問嗣焉嗣續其職

者稱解狐其讎也將立之而卒解狐又問焉對曰午

也可午祁奚子于是羊舌職死矣晉侯曰孰可以代之對

曰赤也可赤職之子伯華于是使祁午為中軍尉羊舌赤佐

之各代其父君子謂祁奚于是能舉善矣稱其讎不為諂

立其子不為比舉其偏不為黨偏屬也商書曰無偏無

黨王道蕩蕩

商書洪範蕩蕩平正無私

其祁奚之謂矣解狐得舉

未得位故

曰得舉

祁午得位伯華得官建一官而三物成

一官

軍尉物事也

能舉善也夫唯善故能舉其類詩云惟其有

之是以似之

詩小雅言唯有德之人能舉似己者

祁奚有焉

六月公會單子晉侯宋公衛侯鄭伯莒子邾子齊世子

光己未同盟于雞澤

雞澤杜注在廣平曲梁縣西南後漢志曲梁侯國有雞澤即春秋同

盟處也今曲梁故城

在直隸廣平府東北

左傳六月公會單頃公及諸侯己未同盟于雞澤晉侯

使荀會逆吳子于淮上吳子不至

道遠多難

叔梁

同者有同也同外楚也

是時諸侯同心病楚鄭亦因城虎牢而服焉故載書要言同盟書曰於諸侯之下所以別會與盟之異日也他盟但合諸侯行盟禮故書某日會某侯盟於某地此則既行會禮別日又行盟禮故書日以隔之其與首止葵丘再書地異者無大美惡則舉其重者而已

陳侯使袁僑如會

左傳

楚子辛為令尹侵欲于小國陳成公使袁僑如會

求成

袁僑濤塗四世孫

晉侯使和組父告于諸侯

公羊傳

其言如會何後會也

穀梁傳

如會外乎會也

外乎會者明本非會內也諸侯已會乃至耳

于會受

命也

陳自辰陵即楚二十有八年今聞鄭伯受盟乃使

大夫求成於晉本非召會又後時故書如會

戊寅叔孫豹及諸侯之大夫及陳袁僑盟

諸侯在而大夫自為盟始

于此

左傳秋叔孫豹及諸侯之大夫及陳袁僑盟陳請服也

公羊傳

曷為殊及陳袁僑為其與袁僑盟也

喜得陳故殊之

穀梁傳

及以及與之也

但言叔孫豹及諸侯之大夫則無以表袁僑之得禮故再言及

明獨與袁僑不與諸侯之大夫

諸侯以為可與則與之不可與則釋

之諸侯盟又大夫相與私盟是大夫張也故難澤之

會諸侯始失正矣大夫執國權曰袁僑異之也

異袁僑之

禮得

虎牢既城鄭人來歸而陳亦改圖鄭君先至諸侯  
既與之盟而後陳袁僑至故使大夫盟之此悼公  
所以持大體也傳謂諸侯盟大夫又相與私盟為  
大夫張過矣湫梁之會諸侯不盟而大夫盟責大  
夫之專可也此書諸侯之大夫及陳袁僑盟則大  
夫奉君命以即事禮安而分明安得謂大夫專而  
諸侯失其柄乎



附錄  
左傳

晉侯之弟揚干亂行于曲梁

行陳次曲梁晉地

魏絳戮

其僕晉侯怒謂羊舌赤曰合諸侯以為榮也揚干為

戮何辱如之必殺魏絳無失也對曰絳無貳志事君

不辟難有罪不逃刑其將來辭何辱命焉言終魏絳

至授僕人書

僕人晉侯御僕

將伏劍士魴張老止之公讀其

書曰日君乏使使臣斯司馬

斯此也

臣聞師衆以順為

武

順莫敢違

軍事有死無犯為敬

守官行法雖死不敢有違

君合諸侯

臣敢不敬君師不武執事不敬罪莫大焉臣懼其死

以及揚干無所逃罪不能致訓至于用鉞

用鉞斬揚干之僕

臣之罪重敢有不從以怒君心

言不敢不從戮

請歸死於司

寇公跣而出曰寡人之言親愛也吾子之討軍禮也

寡人有弟弗能教訓使干大命寡人之過也子無重

寡人之過

魏絳死為重過

敢以為請晉侯以魏絳為能以刑

佐民矣反役與之禮食使佐新軍

羣臣旅會今欲顯魏絳故特為設禮

食張老為中軍司馬

代魏絳

士富為候奄

代張老士富士會別族

楚司馬公子何忌侵陳陳叛故也

秋公至自會

冬晉荀營帥師伐許

左傳許靈公事楚不會于雞澤冬晉知武子帥師伐許

責許不會于雞澤也許自新城以來困於鄭脅於楚不與中國會盟久矣今以陳鄭偶服遂侈然求多於許其心褊矣宜不得許且竝陳鄭而失之也  
四年春王三月己酉陳侯午卒

左傳四年春楚師為陳叛故猶在繁陽  
前年何忌之師侵陳今猶未還

繁陽杜注楚地在汝南銅陽縣南今河南新蔡縣有繁陽亭

韓獻子患之言于朝

曰文王帥殷之叛國以事紂唯知時也今我易之難哉三月陳成公卒楚人將伐陳聞喪乃止陳人不聽命臧武仲聞之曰陳不服于楚必亡大國行禮焉而不服在大猶有咎而況小乎夏楚彭名侵陳陳無禮故也

為下陳  
國頓傳

襄公名午與陳侯同名經不為國諱者周人雖以謚易名因而有諱然考之禮律亦有不盡諱者後

世忌諱繁而名實亂矣策書所紀不宜變易故莊公名同而書同盟僖公名申而書戊申定公名宋而書宋公皆臨文不諱之法也

夏叔孫豹如晉

左傳穆叔如晉報知武子之聘也武子聘在元年晉侯享之金

奏肆夏之三不拜

肆夏樂曲名周禮以鐘鼓奏九夏其二曰肆夏三曰韶夏四曰納夏

蓋擊鐘而奏此三夏曲

工歌文王之三又不拜工樂人也文王之三大雅之首

文王大

歌鹿鳴之三三拜

小雅之首鹿鳴四牡皇皇者華

韓獻子使

行人子員問之曰子以君命辱於敝邑先君之禮藉之以樂以辱吾子吾子舍其大而重拜其細敢問何禮也對曰三夏天子所以享元侯也使臣弗敢與聞文王兩君相見之樂也臣不敢及

及與

鹿鳴君所以

嘉寡君也敢不拜嘉

歌鹿鳴義取我有嘉賓叔孫奉君命而來以叔孫為嘉賓乃所

以嘉魯

四牡君所以勞使臣也敢不重拜

詩言使臣秉四牡騤

騤然行不止勤勞也晉以叔孫來聘故以此勞之

皇皇者華君教使臣曰必

諮於周

皇皇者華君遣使臣之詩言忠臣奉使能光輝君命如華之皇皇然又當諮於忠信以補

不及忠信為周其詩曰周爰諮諏周爰諮謀周臣聞爰諮度周爰諮詢言必於忠信之人詢此四事之訪問於善為咨問善道咨親為詢問親戚義咨禮為度

問禮咨事為諏問政事咨難為謀問患難臣獲五善敢不

重拜

秋七月戊子夫人姒氏薨

姒公羊作弋下定姒同

左傳秋定姒薨不殯於廟無櫬不虞

櫬親身棺季孫以定姒本賤不欲以

夫人禮卒之虞祭也

匠慶謂季文子曰

匠慶魯大夫

子為正卿而小

君之喪不成不終君也

慢其母是不終事君之道

君長誰受其咎

初季孫為已樹六櫓于蒲圃東門之外

蒲圃場圃名季文子樹櫓

欲自為櫓

匠慶請木

為定姒作櫓

季孫曰略

不以道取為略

匠慶用蒲

圃之櫓季孫不御

御止也傳言遂得成禮故經無異文

君子曰志所謂

多行無禮必自及也其是之謂乎

孔氏穎達曰二年齊姜薨葬者成公夫人也據傳

匠慶之言則定姒襄公生母王氏祿曰定十五年

書葬定姒哀公之母也自襄至哀歷世未遠不應

同謚曰定文必有誤



葬陳成公

陳即晉魯會其葬故書

八月辛亥葬我小君定姒

公羊傳定弋者何襄公之母也

未踰月而速葬其禮畧也蓋行父本不欲以夫人之禮葬不得已于人言則畧其禮季氏無君之心自行父已兆其端矣

冬公如晉

左傳冬公如晉聽政

受貢賦多少之政

晉侯享公公請屬鄆

鄆杜

注小國琅邪鄆縣欲使屬魯如須句頡臾之比

晉侯不許孟獻子曰以寡君

之密邇于仇讎而願固事君無失官命

晉官徵發之命

鄆無

賦于司馬

音司馬掌諸侯之賦

為執事朝夕之命敝邑敝邑褊

小闕而為罪

闕不共也

寡君是以願借助焉晉侯許之

為明

年叔孫豹鄆世子巫如晉傳

襄公之生至是始七歲且有母喪而急於朝晉豈

公所自主乎蓋行父慙於歸父之事欲專魯而過

禮以自媚於晉不顧其君之幼弱不能勝勞役而任禮事也行父託言居守而使孟獻子從行故吳人曰國君道長而大夫不出門正謂是耳

### 陳人圍頓

左傳

楚人使頓閒陳而侵伐之

其閒伺陳

故陳人圍頓

楚圍陳納頓子陳畏楚而不敢報陳改事晉楚使頓閒陳而侵伐之故陳人圍頓自會于雞澤以後伐許圍頓皆霸勢之將興而晉之謀國者皆務苟

安而不能保陳終成南北分霸之勢不亦悖乎

附錄

左傳無終子嘉父使孟樂如晉

無終杜注山戎國名今順天府玉田縣西

有古無終城子爵也

嘉父名孟樂其使臣因魏莊子納虎豹之皮以請和

諸戎

欲戎與晉和莊子魏絳

晉侯曰戎狄無親而貪不如伐之

魏絳曰諸侯新服陳新來和將觀於我我德則睦否

則攜貳勞師於戎而楚伐陳必弗能救是棄陳也諸

華必叛戎禽獸也獲戎失華無乃不可乎夏訓有之

曰有窮后羿

夏訓夏書有窮杜注國名水經注窮水出於安豐在今英山縣境羿有窮君之

號

公曰后羿何如

怪其言不次故問之

對曰昔有夏之方衰也

后羿自鉏遷於窮石因夏民以代夏政

禹孫太康淫放失國夏人

立其弟仲康仲康卒子相立羿遂代相號曰有窮鉏杜注羿本國名今直隸滑縣東有鉏城

恃其

射也

羿善射

不脩民事而淫於原獸棄武羅伯因熊髡

尨圉

四子皆羿賢臣

而用寒浞寒浞伯明氏之讒子弟也

杜寒

注寒國北海平壽縣東有寒亭在今山東濰縣東北伯明其君名

伯明后寒棄之夷

羿牧之

夷氏

信而使之以為已相浞行媚於內

內宮人

而

施賂於外愚弄其民而虞羿於田

樂之以遊田

樹之詐慝

以取其國家外內咸服羿猶不悛將歸自田

羿獵遂家

衆殺而亨之以食其子

食羿子

其子不忍食諸死于窮

門靡奔有鬲氏

靡夏遺臣事羿者有鬲杜注國名平原鬲縣今山東德平縣東有故鬲城

浞因羿室

就其妃妾

生澆及豷恃其讒慝詐偽而不德于

民使澆用師滅斟灌及斟尋氏

二國夏同姓諸侯后相所依杜注崇安壽

光縣東南有灌亭北海平壽縣東南有斟亭今斟灌城在山東壽光縣東北斟尋城在山東濰縣西南

處澆于過處豷于戈

過戈杜注皆國名東萊掖縣北有過鄉戈在宋鄭之間按今山

東萊州府治即過國也

靡自有鬲氏收二國之燼

燼遺

以滅浞

而立少康

少康夏后相之子

少康滅澆于過后杼滅豷于戈

后杼少康子

有窮由是遂亡

泥因羿室故不

失人故也昔

周辛甲之為大史也命百官官箴王闕

辛甲周武王大史使百官

各為箴辭以戒王過

于虞人之箴曰

虞人掌田獵

芒芒禹迹

芒芒遠貌畫

為九州經啓九道

啓開九州之道

民有寢廟獸有茂草各有

攸處德用不擾在帝夷羿冒于原獸

冒貪也

忘其國恤

而思其麀牡武不可重

重猶教也

用不恢于夏家獸臣司

原敢告僕夫

獸臣虞人告僕夫不敢斥尊

虞箴如是可不懲乎于

是晉侯好田故魏絳及之公曰然則莫如和戎乎對

曰和戎有五利焉戎狄荐居貴貨易土

荐聚也易土猶輕也

土

可賈焉一也邊鄙不聳民狎其野穡人成功二也

穡懼

狎習也

戎狄事晉四鄰振動諸侯威懷三也以德綏戎

師徒不勤甲兵不頓四也

頓壞也

鑒于后羿而用德度

遠至邇安五也君其圖之公說使魏絳盟諸戎修民

事田以時

傳言晉侯能用善謀

冬十月邾人莒人伐鄆臧紇

救鄆侵邾敗于狐貍

臧紇武仲狐貍杜注邾地魯國番縣東南有目台亭今狐貍山



在山東滕縣東南

國人逆喪者皆髻魯于是乎始髻

髻麻髮合喪禮

之始變

國人誦之曰臧之狐裘敗我于狐貍

臧紇時我服狐裘

君小子朱儒是使朱儒朱儒使我敗于邾

公幼弱故曰小子臧

紇短小故曰朱儒敗不書魯人諱之

五年春公至自晉

左傳五年春公至自晉

附錄左傳

王使王叔陳生總戎于晉

王叔周卿士時戎侵莒故

晉人執

之士魴如京師言王叔之貳于戎也

夏鄭伯使公子發來聘

左傳夏鄭子國來聘通嗣君也

鄭僖公初即位

魯與鄭自輸平來盟以後聘使不通終春秋僅見於此則以晉霸復興諸侯輯睦也

叔孫豹鄆世子巫如晉

鄆叔梁作增後同

左傳穆叔覲鄆大子于晉以成屬鄆

覲見也前年請屬鄆故將鄆大子巫

如晉以成之書曰叔孫豹鄆大子巫如晉言比諸魯大夫

也

公羊傳

外相如不書此何以書為叔孫豹率而與之俱

也叔孫豹則曷為率而與之俱蓋舅出也

巫者鄆前夫人襄公

母姊妹之子也俱

曷將滅之故相與往殆乎晉也

殆疑

也以疑

曷將滅之則曷為相與往殆乎晉取後乎曷

也其取後乎曷奈何曷女有為鄆夫人者蓋欲立其

出也

時莒女嫁為鄆後夫人夫人士選嫁莒有外孫鄆子愛後夫人而無子欲立其外孫魯因為之

往獻

于晉

叔梁

外不言如而言如為我事往也

外相如不書鄆世子之如晉何以書以鄆既屬魯  
叔孫豹率而與之俱故比諸魯大夫耳豹與鄆世  
子同如晉而不言及是旅見於晉也晉之汰亦甚  
矣

仲孫蔑衛孫林父會吳於善道

道公羊穀梁作稻善道杜注地闕按阮勝之南

兗州記盱眙本吳善道地今屬江南泗州

左傳吳子使壽越如晉

壽越大夫

辭不會於雞澤之故

年三

會雞澤吳不至今來謝之且請聽諸侯之好晉人將為之合諸侯

使魯衛先會吳且告會期故孟獻子孫文子會吳於善道

穀梁傳 吳謂善伊謂稻緩號從中國名從主人吳之土音與中國異其所號地形物類當從中國以教殊俗故不言伊緩而言善稻若人名則從其本國所稱

晉將邀吳為戚之會魯衛近吳且俱同姓故先使通好不言及同受命於晉也不列敘而別言會吳者吳人在善道蔑與林父往會之也

秋大雩

左傳秋大雩旱也

楚殺其大夫公子壬夫

左傳楚人討陳叛故曰由令尹子辛實侵欲焉乃殺之

書曰楚殺其大夫公子壬夫貪也君子謂楚共王于

是不刑詩曰周道挺挺我心局局講事不令集人來

定

逸詩也挺挺正直也局局明察也講謀也言謀事不善聚致賢人以定之

已則無信而

殺人以逞不亦難乎夏書曰成允成功

夏書大禹謨允信也言信

成然後有成功

士夫侵欲固有罪矣然楚子不能申明法教禁之於先及陳怨已深伐之不服始歸咎而殺之豈用刑之正哉故稱國以殺罪累上也

公會晉侯宋公陳侯衛侯鄭伯曹伯莒子邾子滕子薛伯齊世子光吳人鄫人于戚

左傳九月丙午盟于戚會吳且命戍陳也

不書盟蓋不以盟告廟

穆叔以屬鄫為不利使鄫大夫聽命于會

傳言鄫人所以見于

戚會

公羊傳 吳何以稱人吳鄫人云則不辭

晉合諸侯而吳來聽命與吳居其所而諸國往會之者異矣故列敘而不殊會其稱人與鄫竝列不得云吳鄫人也

公至自會

冬戍陳

公羊傳 孰戍之諸侯戍之曷為不言諸侯戍之離至不

可得而序

離至離別前後至也

故言我也

以魯至時書



穀梁傳

內辭也

不言諸侯是魯戌之

諸侯受命于戚各以師戌陳離至不可得而序故  
獨書魯戌也齊桓不戰而屈楚晉文戰而屈楚悼  
公通吳以制楚又戌守陳鄭事勢各異不可以優  
劣論也

楚公子貞帥師伐陳公會晉侯宋公衛侯鄭伯曹伯齊  
世子光救陳十有二月公至自救陳

曹伯下公羊穀梁有莒子邾子滕子

伯薛

左傳 楚子囊為令尹

公子貞

范宣子曰我喪陳矣楚人討

貳而立子囊必改行

改子辛行

而疾討陳陳近于楚民朝

夕急能無往乎有陳非吾事也無之而後可冬諸侯

戌陳子囊伐陳十一月甲午會于城棣以救之

城棣杜注

鄭地陳畱酸棣縣西南有棣城寰宇記有南棣城北棣城在陽武縣北今屬河南開封府

救梁善救陳也

晉之於陳既勤戌於無事之時復率救於被兵之日可謂勤矣卒不能保陳以楚益張而陳近焉事

勢實然然非悼公即世必能與楚相持不至南北  
分霸也

辛未季孫行父卒

左傳

季文子卒大夫斂公在位

在西作陪

宰庀家器為

葬備

庀具也

無衣帛之妾無食粟之馬無藏金玉無重

器備

器備謂珍寶甲兵之物

君子是以知季文子之忠于公室

也相三君矣而無私積可不謂忠乎

先儒以左氏所稱多謂行父忠慎然子赤之弑行

父非惟坐視而又為仲遂奔走焉及宣公既歿復乘間以逐歸父而三桓之勢成孟叔且拱手以聽於季氏矣其妾不衣帛馬不食粟乃矯情悅衆以自固其身家與陳氏燠休齊民之意同故孔子譏其三思而朱子尤深惡之洵論世知人之特識也六年春王三月壬午杞伯姑容卒

左傳六年春杞桓公卒始赴以名同盟故也

杞入春秋未嘗書名

桓公三與戚公同盟故赴以名

夏宋華弱來奔

左傳宋華弱與樂轡少相狎長相優又相謗也

華弱樂轡皆宋

大夫狎親習也優調戲也

子蕩怒以弓楛華弱于朝

子蕩樂轡也張弓以貫其

頸若楛之在手故曰楛

平公見之曰司武而楛于朝難以勝矣

司馬武遂逐之夏宋華弱來奔司城子罕曰同罪異罰

非刑也專戮于朝罪孰大焉亦逐子蕩子蕩射子罕

之門曰幾日而不我從

言亦當見逐

子罕善之如初

秋葬杞桓公

滕子來朝

左傳秋滕成公來朝始朝公也

莒人滅鄆

左傳莒人滅鄆鄆恃賂也歸魯貢恃之而慢莒故滅

穀梁傳非滅也中國日卑國月夷狄時鄆中國也而時

非滅也家有既亡國有既滅家立異姓為後則亡國立異姓為嗣則滅既盡

也滅而不自知由別之而不別也立嗣宜分別姓而繒不別莒

人滅繒非滅也立異姓以蒞祭祀滅亡之道也

魯既請於晉以屬鄆而中棄之晉為盟主坐視莒人滅同盟之國而不能正皆罪也公穀以昭四年書取鄆疑鄆未嘗滅故有立異姓為後之說不知莒人始滅之繼又復之使為附庸其後魯又取之與鄭既滅許而許復見經等耳果立異姓為後聖人宜直書其事以為世戒顧隱其辭曰滅則後人但知鄆之滅而無由知其立異姓為後也鑿而蔽於理故不可從

冬叔孫豹如邾

左傳冬穆叔如邾聘且修平

平四年  
孤貽戰

公初即位邾子來朝四年有孤貽之戰至是往聘

修平以無忘舊好也

季孫宿如晉

左傳晉人以鄆故來討曰何故亡鄆

鄆屬魯見滅  
故晉責魯

季武

子如晉見且聽命

武子季孫宿始代父為  
卿見大國聽命受罪

宿行父之子也父喪未期而遽如晉時襄公幼弱



宿代父執政急自托於晉而實非公意也傳謂晉人以鄆故來討非也前年會戚已命鄆聽命於會鄆之亡於魯何與耶

十有二月齊侯滅萊

左傳十一月齊侯滅萊萊恃謀也

賂風沙衛之謀也事在二年

于鄭

子國之來聘也四月晏弱城東陽而遂圍萊

子國聘在五年

二年晏弱城東陽至五年四月復託治城因遂圍萊

甲寅堙之環城傳于堞

堙土

山也堞女牆也周城為土山及女牆

及杞桓公卒之月

此年三月

乙未王湫

帥師及正與子棠人軍齊師

王狄故齊人成十八年奔萊正與子萊大夫棠

杜注萊邑北海即墨縣有棠鄉今縣南甘棠社即古棠鄉也縣屬山東

齊師大敗之丁

未入萊萊共公浮柔奔棠

浮柔萊共公名

正與子王湫奔莒

莒人殺之四月陳無宇獻萊宗器于襄宮

無宇桓子陳完玄孫

襄宮齊襄公廟

晏弱圍棠十一月丙辰而滅之遷萊于鄉

遷萊

子于鄉國

高厚崔杼定其田


高厚高固子

公羊傳

曷為不言萊君出奔國滅君死之正也

萊近齊齊圖萊久矣自宣七年伐萊至是滅之晉

大襄之世諸侯無敢相滅者成景以後開地於狄  
數滅小國故雖悼公復霸亦不能禁諸侯之相滅  
也



日講春秋解義卷三十七

欽定四庫全書

經部

日講

春秋傳說彙纂

卷三十八

詳校官監察御史臣莫瞻菴

給事中臣溫常綬覆勘

覆校官中書臣田尹衡

校對官中書臣葉蘭

謄錄舉人臣張護

豫章西華公

日

春秋解義卷五十八

襄公

七年春郊子來朝

左傳七年春郊子來朝始朝公也

夏四月三卜郊不從乃免牲

左傳夏四月三卜郊不從乃免牲孟獻子曰吾乃今而

後知有卜筮夫郊祀后稷以祈農事也是故啟蟄而

郊郊而後耕

啟蟄夏正建寅之月耕謂春分

今既耕而卜郊宜其不

從也

穀梁傳

夏四月不時也三卜禮也乃者亡乎人之辭也

公穀以三卜為合禮啖氏助及朱子皆從之此年

三卜亦書蓋譏非時非譏其瀆卜也卜郊止於三

月今四月而三卜則過時而不敬矣

小邾子來朝

左傳

小邾穆公來朝亦始朝公也

# 城費

左南遺為費宰

費李叔仲昭伯為隧正

氏邑

昭伯叔仲惠伯之孫隧正

主役

徒欲善季氏而求媚于南遺謂遺請城費吾多與

而役故季氏城費

傳言祿去公室季氏所以強

費魯彊邑也隱元年傳稱費伯即其邑大夫僖公

復以賜季友自南遺請城而後不獨季氏世卿而

南氏亦世其邑季氏但知大城其私邑以弱公室

而不知陪臣之擬其後也觀費之城可以知履霜

堅冰之戒矣

秋季孫宿如衛

左傳秋季武子如衛報子叔之聘且辭緩報非貳也

子叔

聘在元年

比書滕鄭小邾來朝而志大夫如晉如衛畏大慢

小邾交之非義甚矣

八月螽

書螽記災也經自莊公以後螟不書螽然後書蓋



不可勝書故獨舉其重者耳

附錄

冬十月晉韓獻子告老公族穆子有廢疾

穆子韓厥

左傳長子成十八年

為公族大夫將立之

代厥為卿

辭曰詩曰豈不夙夜謂

行多露

詩國風言雖欲早夜而行懼多露之濡己義取非禮不可妄行

又曰弗躬弗

親庶民弗信

詩小雅譏在位者不躬親政事則庶民不奉信其命喻己有疾不能躬親政事

無忌不才讓其可乎請立起也

無忌穆子名起無忌弟宣子也

與田

蘇游而曰好仁

田蘇晉賢人蘇言起好仁

詩曰靖共爾位好是正

直神之聽之介爾景福

詩小雅言君子當思不出其位求正直之人與之竝立如

是則神明順之致大福也

恤民為德

靖其位所以恤民

正直為正正己正

曲為直

正人曲

參和為仁

德正直三者為仁

如是則神聽之

介福降之立之不亦可乎庚戌使宣子朝遂老晉侯

謂韓無忌仁使掌公族大夫

為之師長

冬十月衛侯使孫林父來聘壬戌及孫林父盟

左傳衛孫文子來聘且拜武子之言

緩報非貳之言

而尋孫桓

子之盟

盟在戌三年

公登亦登

禮登階臣後君一等

叔孫穆子相趨

進曰諸侯之會寡君未嘗後衛君今吾子不後寡君

寡君未知所過吾子其少安

安徐也

孫子無辭亦無悛

容穆叔曰孫子必亡為臣而君過而不悛亡之本也

詩曰退食自公委蛇委蛇謂從者也衡而委蛇必折

詩召南委蛇順貌從順行衡橫也橫不順道必毀折為十四年林父逐君起本

楚公子貞帥師圍陳

國書大夫始此

十有二月公會晉侯宋公陳侯衛侯曹伯莒子邾子于

鄆

鄆穀梁或作臨杜注鄭地

左傳楚子囊圍陳會于鄆以救之

前書伐陳此書圍陳楚之陵暴極矣會于鄆謀救  
陳也不書救不成救也夫楚以十月圍陳將歷一  
冬而悼公始會諸侯遷延鄭地是有畏楚之心而  
不能急救陳也此陳侯所以既會而逃歸歟

鄭伯髡頑如會未見諸侯丙戌卒于鄆

髡頑公羊穀梁  
作髡原鄆公羊

穀梁作操  
杜注鄭地

左傳鄭僖公之為大子也于成之十六年與子罕適晉

不禮焉又與子豐適楚

子豐穆  
公子

亦不禮焉及其元年

鄭僖元年  
魯襄三年

朝于晉子豐欲懇諸晉而廢之子罕止之

及將會于鄆子駟相又不禮焉侍者諫不聽又諫殺

之及鄆子駟使賊夜弑僖公而以瘡疾赴于諸侯

傳言

經所以不書弑

簡公生五年

僖公

奉而立之

公羊傳

操者何鄭之邑也諸侯卒其封內不地此何以

地隱之也何隱爾弑也孰弑之其大夫弑之曷為不

言其大夫弑之為中國諱也曷為為中國諱鄭伯將

會諸侯于鄆其大夫諫曰中國不足歸也則不若與

楚鄭伯曰不可其大夫曰以中國為義則伐我喪

據賦

虎牢事

以中國為強則不若楚

言楚國陳不能救

于是弑之鄭

伯髡原何以名傷而反未至于舍而卒也未見諸侯其言如會何致其意也

穀梁傳

未見諸侯其曰如會何也致其志也禮諸侯不

生名此其生名何也卒之名也卒之名則何為加之如會之上見以如會卒也其見以如會卒何也鄭伯將會中國其臣欲從楚不勝其臣弑而死其不言弑

何也不使夷狄之民加乎中國之君也

以其臣欲從楚故謂夷狄

之民其地于外也其日未踰竟也日卒時葬正也

經書鄭伯卒三傳皆以為弑故趙氏匡以為疑而胡氏安國之說尤穿鑿而害義不知鄭人以疾訃魯史以卒書孔子無所據以革之故特文以發人之疑而見其實也如果以疾卒則書鄭伯髡頑如會卒于郟如宋公佐之卒于曲棘可矣未達會所自無由與諸侯相見而曰未見諸侯明其以欲見

諸侯死也其文與魯君不書弑而別見其義使後人得考其實同非聖人不能修謂此類耳以卒之名加乎如會之上舍此無以立文也

陳侯逃歸

左傳陳人患楚

楚國陳故

慶虎慶寅謂楚人曰吾使公子黃

往而執之

二慶陳執政大夫公子黃哀公弟

楚人從之二慶使告陳

侯于會曰楚人執公子黃矣君若不來羣臣不忍社

稷宗廟懼有二圖陳侯逃歸

鄰會所以不書救



殺梁傳以其去諸侯故逃之也

陳侯以國難逃歸先儒皆以背晉從楚為陳罪義  
非不正而未得其情也蓋晉早不欲有陳故范宣  
子曰有陳非吾事也無之而後可楚人圍陳晉雖  
再合諸侯於鄆而遷延不救陳有宗社之憂安能  
以虛名從晉乎書陳逃於會鄆之下亦以見晉之  
不足恃而傷陳之不得已焉耳

八年春王正月公如晉

左傳八年春公如晉朝且聽朝聘之數

晉悼復修伯業故朝而稟其多

少

文襄之伯也令諸侯三歲而聘五歲而朝魯襄嗣位甫及八年而三朝於晉蓋季氏專魯欲過禮以自媚於晉故若是其勤耳

夏葬鄭僖公

公羊傳

賊未討何以書葬為中國諱也

附錄左傳

鄭羣公子以僖公之死也謀子駟子駟先之夏

四月庚辰辟殺子狐子熙子侯子丁

辟罪也加孫擊罪以戮之

孫惡出奔衛

二孫子狐之子

鄭人侵蔡獲蔡公子燮

史穀梁作濕後同

左傳庚寅鄭子國子耳侵蔡獲蔡司馬公子燮

子耳子良之子

不言敗唯以獲告

鄭人皆喜唯子產不順

子產子國子

曰小國無

文德而有武功禍莫大焉楚人來討能勿從乎從之

晉師必至晉楚伐鄭自今鄭國不四五年弗得寧矣

子國怒之曰爾何知國有大命而有正卿童子言焉

將為戮矣

公羊傳 此侵也其言獲何侵而言獲者適得之也

時適遇值

其不備  
獲得之

穀梁傳 人微者也侵淺事也而獲公子公子病矣

鄭子駟當國以僖公之弑欲自掩於晉又陰欲致楚師以脅國人而固與楚考傳侵蔡之師使子國子耳主之而已不與則其情可知矣

季孫宿會晉侯鄭伯齊人宋人衛人邾人于邢丘

傳五月甲辰會于邢丘以命朝聘之數使諸侯之大

夫聽命季孫宿齊高厚宋向戌衛甯殖邾大夫會之

晉難重煩諸侯故使大夫聽命鄭伯獻捷于會獻秦捷故親聽命大夫

不書尊晉侯也

穀梁傳見魯之失正也公在而大夫會也

邢丘之會以命諸侯朝聘之數非會盟會伐之比

故重煩諸侯而使大夫聽命鄭伯以獻捷與會則

公在晉而不與會者乃晉侯加禮於魯與盟長檮

同意先儒謂魯君失政實由於此則未得其情蓋  
四國皆大夫會不得專以此責季孫也但悼公之  
意本欲以德禮懷諸侯而不知大夫之勢亦由是  
益張耳

公至自晉

莒人伐我東鄙

左傳莒人伐我東鄙以疆鄆田

莒伐魯以疆鄆田而霸討不及晉方慮楚故也據

此則莒以兵滅鄆益無可疑矣

秋九月大雩

左傳秋九月大雩旱也

冬楚公子貞帥師伐鄭

左傳冬楚子囊伐鄭討其侵蔡也子駟子國子耳欲從

楚子孔子矯子展欲待晉

子孔穆公子子矯子游子子展子罕子

子駟

曰周詩有之曰俟河之清人壽幾何

逸詩也河水濁十年一清喻晉

之不兆云詢多職競作羅

兆卜且謀多則競作羅網之

難無謀之多族民之多違事滋無成民急矣姑從楚

以紓吾民晉師至吾又從之敬共幣帛以待來者小

國之道也犧牲玉帛待于二竟以待強者而庇民焉

寇不為害民不罷病不亦可乎子展曰小所以事大

信也小國無信兵亂日至亡無日矣五會之信

謂三年會

難澤五年會戚又會城棣七年會邾八年會邢丘

今將背之雖楚救我將安

用之親我無成鄙我是欲不可從也不如待晉晉君

方明四軍無闕八脚和睦

四軍謂上下中新軍也軍有二脚

必不棄



鄭楚師遼遠糧食將盡必將速歸何患焉舍之聞之

舍之子杖莫如信完守以老楚杖信以待晉不亦可

乎子駟曰詩云謀夫孔多是用不集詩小雅集就也言人欲為政是

非相亂發言盈庭誰敢執其咎言謀者多若有不善無適受其咎如

匪行邁謀是用不得于道匪彼也行邁謀謀于路人也不得于道衆無適從

請從楚駢也受其咎駢子駢名乃及楚平使王子伯駢告

于晉曰伯駢鄭大夫君命敝邑修而車賦儼而師徒以討

亂略蔡人不從敝邑之人不敢寧處悉索敝賦素盡也

以討于蔡獲司馬變獻于邢丘今楚來討曰女何故

稱兵于蔡焚我郊保馮陵我城郭敝邑之衆夫婦男

女不遑啟處以相救也翦焉傾覆翦盡也無所控告民

死亡者非其父兄即其子弟夫人愁痛夫人猶人人也不知

所庇民知窮困而受盟于楚孤也與其二三臣不能

禁止不敢不告知武子使行人子員對之曰君有楚

命見討之命亦不使一介行李行李行人也告于寡君而即安

于楚君之所欲也誰敢違君寡君將帥諸侯以見于

城下唯君圖之

為明年晉  
伐鄭傳

觀左氏所載則子駟志在從楚而僖公之弑實由之可知矣不書鄭及楚平以下書諸侯伐鄭則鄭之從楚不待言也

晉侯使士臼來聘

左傳晉范宣子來聘且拜公之辱

謝公春秋

告將用師于鄭

公享之宣子賦標有梅

詩召南標落也梅盛極則落宣子欲啻及時共討鄭取其

汲汲相赴

季武子曰誰敢哉

言誰敢不從命

今譬言于草木寡君在

君君之臭味也

言同類

歡以承命何時之有

遲速無時

武子

賦角弓

詩小雅取兄弟皆姻無相遠矣之意

賓將出武子賦彤弓

彤弓天子

賜有功諸侯之詩欲使晉君繼文之業復受彤弓于王

宣子曰城濮之役我先

君文公獻功于衡雍

在僖二十八年

受彤弓于襄王以為子

孫藏也先君守官之嗣也敢不承命君子以為知

禮

彤弓之義義在晉君故范句受之所謂知禮

魯之事晉甚謹而自成公之末至襄公十二年晉

報聘者四焉其修禮於諸侯者厚矣宜乎大小輯

睦而霸業復興也

九年春宋災

災公羊作火

左九年春宋災樂喜為司城以為政

樂喜子罕也為政卿知將有火

災素戒為

使伯氏司里

伯氏宋大夫司里里宰

火所未至徹小

屋塗大屋

大屋難徹就塗之

陳番揭具綆缶

畚簣龍揭土舉綆汲索缶汲器

備水器

盆鑿之屬

量輕重

計人力所任

蓄水潦積土塗廵火城

廵行也

繕守備

繕治也行度守備之處恐因災作亂

表火道

火起則從其所趣標

表

使華臣具正徒

華臣華元子為司徒正徒役徒也

令隧正納郊保

奔火所

隧正官名五縣為隧納聚郊野  
保守之民使隨火所起往救之

使華閱討右

官官庀其司

亦華元子代元為右師討  
治也庀具也使具其官屬

向戌討左亦

如之

向戌  
左師

使樂遄庀刑器亦如之

樂遄司寇刑  
器刑書也

使皇

鄭命校正出馬工正出車備甲兵庀武守

皇鄭皇父  
充石之後

校正主馬工正主  
車使各備其官

使西鉏吾庀府守

鉏吾太宰也  
府六官之典令

司宮巷伯徹宮

司宮巷臣巷伯寺  
人皆掌宮內之事

二師令四鄉正敬

享

二師左右師也鄉  
正鄉大夫享祀也

祝宗用馬于四墉祀盤庚于西

門之外

祝大祝宗宗人墉城也用馬祭于四城以禳  
火盤庚殷王宋之遠祖城積陰之氣故祀之

晉侯問于士弱曰

弱士渥濁之子莊子

吾聞之宋災于是乎知

有天道何故

問宋何故自  
知天道當災

對曰古之火正或食于心

或食于味以出內火是故味為鶉火心為大火

謂火正之

官配食于火星建辰之月鶉火星昏在南方則令民  
放火建戌之月大火星伏在日下不得見則令民內

火禁陶唐氏之火正閼伯居商丘

閼伯高辛氏之子  
傳曰遷閼伯于商

丘主辰大火也今為  
宋星然則商丘在宋地

祀大火而火紀時焉

謂出內  
火時

相土因之故商主大火

相土契孫商之祖也始代  
閼伯之後居商丘祀大火商

人聞其禍敗之釁必始于火是以日知其有天道也

罔猶數也商人數所更歷恒多火災公曰可必乎對  
宋是殷商之後故知天道之災必火曰在道國亂無象不可知也

公羊傳 曷為或言災或言火大者曰災小者曰火大者謂正

寢社稷宗廟朝廷然則內何以不言火據西宮災內  
也下此則小矣不言火

不言火者甚之也春秋以內當自克責何以書記災  
故小有火如大有災

也外災不書此何以書為王者之後記災也

穀梁傳 外災不志此其志何也故宋也故猶先也孔子之先宋人

據左氏具詳宋司城救災之政則來告必矣公穀



義不可通當以來告則書為正

夏季孫宿如晉

左傳夏季武子如晉報宣子之聘也

宣子聘在八年

五月辛酉夫人姜氏薨

左傳穆姜薨于東宮

大子宮也穆姜淫僞如欲廢成公故徙居東宮事在成十六年始

往而莖之遇艮之八

䷳

艮下艮上艮遇艮之八蓋乾爻七九坤爻六八其大

凡也然乾爻用九不用七坤爻用六不用八用九故老陽變為少陰用六故老陰變為少陽不用七八故少陰少陽不變此艮卦六爻三上以九變初四五史以六變二得八故不變是艮之八變卦為隨也

曰是謂艮之隨三三

震下兌上隨

隨其出也

隨非閑固之卦

君必

速出姜曰亡

亡猶無

是于周易曰隨元亨利貞无咎

隨彖

辭

元體之長也亨嘉之會也利義之和也貞事之幹

也體仁足以長人嘉德足以合禮利物足以和義貞

固足以幹事然故不可誣也是以雖隨无咎今我婦

人而與于亂固在下位而有不仁不可謂元不靖國

家不可謂亨作而害身不可謂利棄位而姤

姤淫之別名

不可謂貞有四德者隨而无咎我皆無之豈隨也哉

我則取惡能无咎乎必死于此弗得出矣

附錄左傳

秦景公使士雅乞師于楚

士雅秦大夫

將以伐晉楚

子許之子囊曰不可當今吾不能與晉爭晉君類能

而使之

隨所能

舉不失選官不易方

方猶宜也

其卿讓于善

其大夫不失守其士競于教其庶人力于農穡商工

阜隸不知遷業韓厥老矣知營稟焉以為政

代將中軍

勺少于中行偃而上之使佐中軍

使勺佐中軍偃將上軍

韓起

少于欒黶而欒黶士魴上之使佐上軍

欒黶讓起起佐上軍魴將

下軍魴佐之魏絳多功以趙武為賢而為之佐武新軍將君明

臣忠上讓下競當是時也晉不可敵事之而後可君

其圖之王曰吾既許之矣雖不及晉必將出師秋楚

子師于武城以為秦援秦人侵晉晉饑弗能報也為十

年晉伐秦傳

秋八月癸未葬我小君穆姜公羊作繆姜

四月而葬速也據左氏穆姜幽於東宮終成公之

世至於襄公不得出而遂薨焉蓋季氏專魯本怨

宣公之謀去三桓又惡穆姜之欲逐季孟託於大義以逞其私忿魯君雖有悔心而不能自主也其速葬而略於禮亦職此之故耳婦人從夫之諡禮也魯以文姜謀弑欲配以桓公之諡而有所不安故別為諡穆姜棄位而姣從文姜之例可也聲姜齊姜亦別為諡則義無所處矣

冬公會晉侯宋公衛侯曹伯莒子邾子滕子薛伯杞伯小邾子齊世子光伐鄭十有二月己亥同盟于戲

戲杜注鄭

地

左傳冬十月諸侯伐鄭鄭從楚也庚午季武子齊崔杼宋皇

鄖從荀瑩士白門于鄭門鄭城門衛北宮括曹

人邾人從荀偃韓起門于師之梁師之梁亦鄭城門三國從上軍滕

人薛人從欒黶士魴門于北門二國從下軍杞人邠人從

趙武魏絳斬行栗二國從新軍行道也行栗表道樹甲戌師于汜汜杜

注鄭地令于諸侯曰修器備盛饌糧歸老幼居疾于

虎牢使諸軍疾病息其中示將久師肆青園鄭不書園鄭鄭逆服不成園鄭人恐

乃行成中行獻子曰

獻子荀偃

遂圍之以待楚人之救也

而與之戰不然無成知武子曰許之盟而還師以敝

楚人吾三分四軍

分四軍為三部

與諸侯之銳以逆來者

來者

楚也于我未病楚不能矣

晉各一動而楚三來故曰不能

猶愈于戰暴

骨以逞不可以爭大勞未艾君子勞心小人勞力先

王之制也

艾息也言當從勞心之勞

諸侯皆不欲戰乃許鄭成十

一月己亥同盟于戲鄭服也將盟鄭六卿公子騂

騂子驍

公子發

子國

公子嘉

子孔

公孫輒

子耳

公孫蚘

子矯

公孫舍之

子及其大夫門子

門子卿之適子

皆從鄭伯晉士莊子為載

書

莊子士弱

曰自今日既盟之後鄭國而不唯晉命是聽

而或有異志者有如此盟

如違盟之罰

公子騑趨進曰天

禍鄭國使介居二大國之間大國不加德音而亂以

要之使其鬼神不獲歆其禋祀其民人不獲享其土

利夫婦辛苦墊隘

墊隘猶委頓

無所底告自今日既盟之

後鄭國而不唯有禮與強可以庇民者是從而敢有

異志者亦如之荀偃曰改載書

子駟亦以所言載于策故欲改之

公



孫舍之曰昭大神要言焉若可改也大國亦可叛也  
知武子謂獻子曰我實不德而要人以盟豈禮也哉  
非禮何以主盟姑盟而退修德息師而來終必獲鄭  
何必今日我之不德民將棄我豈唯鄭若能休和遠

人將至何恃于鄭乃盟而還

遂兩用  
載書

晉人不得志

于鄭以諸侯復伐之十二月癸亥門其三門

三門鄭  
門師之

梁北門癸亥月五日

閏月戊寅濟于陰阪侵鄭

以長厯參校上  
下此年不得有

閏月戊寅戊寅是十二月二十日疑閏月當為門五  
日晉人三分四軍更攻鄭門門各五日晉各一攻鄭

三受敵欲以苦之癸亥去戊寅十六日以癸亥始攻  
攻縣五日凡十五日鄭故不服而去陰阪杜注消津

次于陰口而還

陰口杜注鄭地

子孔曰晉師可擊也師老而

勞且有歸志必大克之子展曰不可

傳言子展能守信

穀梁傳

不異言鄭善得鄭也不致耻不能據鄭也

伐鄭而書同盟鄭受盟也下書楚子伐鄭則鄭復

事晉可知矣齊桓之霸在能服楚晉文之霸在能

勝楚至悼公之世楚勢益張而諸侯畏之欲如齊

桓徑庭之師則楚必不帖往者處父之師無損於

楚之毫末其前轍也欲如文公城濮之戰則勝未  
可期厲公勝於鄢陵而楚張鄭叛諸侯力屈訖無  
成功其明微也故不得已而敝楚三分四軍與諸  
侯之銳以數伐鄭而不與楚戰使楚勞於奔命又  
通吳以制其後皆審時度勢適得其宜其終有成  
功豈偉也哉

附錄  
左傳

公送晉侯晉侯以公宴于河上問公年季武子

對曰會于沙隨之歲寡君以生

沙隨在成  
十六年

晉侯曰十

二年矣是謂一終一星終也

歲星十二歲一周天

國君十五而

生子冠而生子禮也君可以冠矣大夫盍為冠具武

子對曰君冠必以裸享之禮行之以金石之樂節之

以鐘磬為舉動之節以先君之祧處之

冠必在廟諸侯以今實始祖之廟為祧

君在行未可具也請及兄弟之國而假備焉晉侯曰

諾公還及衛冠于成公之廟

成公衛獻公之曾祖

假鐘磬焉禮

也

楚子伐鄭

左傳

楚子伐鄭

與晉成故

子駟將及楚平子孔子矯曰與大

國盟口血未乾而背之可乎子駟子展曰吾盟固云

唯強是從今楚師至晉不我救則楚強矣盟誓之言

豈敢背之且要盟無質

質主也

神弗臨也所臨唯信信

者言之瑞也

瑞符也

善之主也是故臨之明神不蠲要

盟

蠲潔也

背之可也乃及楚平公子罷戎入盟

罷戎楚大夫

同盟于中分

中分杜注鄭城中里名

楚莊夫人卒

共王母

王未能

定鄭而歸

傳稱鄭及楚平同盟于中分而經不書不足書也  
明年諸侯伐鄭則鄭復與楚可知矣

附錄左傳

晉侯歸謀所以息民魏絳請施舍輸積聚以貸

輸盡也盡其積聚以借貸于民

自公以下苟有積者盡出之國無滯

積亦無困人公無禁利亦無貪民所以幣更不用賓

以特牲

務崇省

器用不作車服從給

足給

行之期年國

乃有節三駕而楚不能與爭

三駕三興師謂十年師于牛首十一年師于向

其秋觀兵于鄭東門自是鄭遂服



日講春秋解義卷三十八



欽定四庫全書

日講春秋解義卷三十九

襄公

十年春公會晉侯宋公衛侯曹伯莒子邾子滕子薛伯

杞伯小邾子齊世子光會吳于柵

柵杜注楚地今山東澤除沔口是也

左十年春會于柵會吳子壽夢也

壽夢吳子乘

三月癸丑

齊高厚相大子光以先會諸侯于鍾離不敬

吳子未至先從

東道與東諸侯會遇非本期地故不書會高厚高國子

士莊子曰高子相大子

以會諸侯將社稷是衛而皆不敬棄社稷也其將不

免乎

為十九年齊殺高厚二  
十五年弑其君光傳

夏四月戊午會于祖

經

春書始行也

戊午月一日

穀梁 會又會外之也

晉率十二諸侯會吳于楚地示楚以得吳也晉得

吳則楚不敢議鄭議鄭則懼吳繫其後此即齊桓

遠結江黃之遺智也特書會吳以吳為此會故也

夏五月甲午遂滅偃陽

偃穀梁作傳杜注偃陽城在今山東平陽縣

南

左

晉荀偃士匄請伐偁陽而封宋向戌焉

以宋常事晉而向戌

有賢行故欲封之為附庸

荀瑩曰城小而固勝之不武弗勝為笑

固請丙寅圍之弗克

丙寅四月九日

孟氏之臣秦董父輦重

如役

董父孟獻子家臣

偁陽人啟門諸侯之士門焉縣門發

縣門編版廣長如門施機關以縣門上有冠則發機而下之

邠人紇挾之以出門

者

邠杜注魯縣東南莖城紇邠邑大夫仲尼父叔梁紇也挾舉也門者諸侯之士在門內者

狄虎

彌建大車之輪而蒙之以甲以為櫓

狄虎彌魯人也櫓大櫓

左

執之右拔戟以成一隊

百人為隊成一隊言其當百人也

孟獻子曰

詩所謂有力如虎者也

詩邶風

主人縣布

偃陽人縣布以試外勇者

董父登之及堞而絕之隊則又縣之蘇而復上者三

主人辭焉乃退帶其斷以徇于軍三日

帶其斷布諸以示勇

侯之師久于偃陽

從丙寅至庚寅二十五日故曰久

荀偃士匄請于

荀罃曰水潦將降懼不能歸請班師知伯怒

知伯荀罃

投

之以机出于其閒

出偃句之閒

曰女成二事而後告余

二事

伐偃陽封向戌

余恐亂命以不女違女既勤君而興諸侯牽

帥老夫以至于此既無武守而又欲易余罪曰是實

班師不然克矣

謂偃句  
將言爾

余羸老也可重任乎

不任受  
女此責

七日不克必爾乎取之五月庚寅

月四日

荀偃士句帥

卒攻偃陽親受夫石甲午滅之

月八日

書曰遂滅偃陽

言自會也以與向戌向戌辭曰君若猶辱鎮撫宋國

而以偃陽光啟寡君羣臣安矣其何貺如之若專賜

臣是臣與諸侯以自封也其何罪大焉敢以死請乃

予宋公

宋公享晉侯于楚丘請以桑林

桑林殷天子之樂名

荀瑩辭荀偃士臼曰諸侯宋魯于是觀禮

宋王者後魯以周公

故皆用天子禮樂故可觀

魯有禘樂賓祭用之宋以桑林享君不

亦可乎舞師題以旌夏

師樂師旌夏大旌也題識也以大旌表識其行列

晉

侯懼而退入于房

旌夏非常卒見之心偶有所畏

去旌卒享而還及

著雍疾

著雍杜注晉地

卜桑林見

崇見于卜兆

荀偃士臼欲奔請

禱焉荀瑩不可曰我辭禮矣彼則以之猶有鬼神于

彼加之晉侯有間

間疾差也

以偃陽子歸獻于武宮謂之

夷俘偃陽妘姓也使周内史選其族嗣納諸霍人禮

也霍杜注晉邑使周師歸孟獻子以秦董父為右生

秦不茲事仲尼

言董父以力相尚子事仲尼以德相尚

殺梁遂直遂也其曰遂何不以中國從夷狄也

言時實吳

會諸侯滅偃陽

偃陽楚與國為吳晉往來要地故帥會祖之師滅之以通吳曰遂繼事之詞也諸侯會而滅人之國非禮也

公至自會

傳梁會夷狄不致恥與惡事不致恥有此其致何也

存中國也中國有善事則并焉如僖四年侵蔡蔡潰  
遂伐楚是并焉不另

書也無善事則異之存之也會吳于祖甲午遂滅傅汲  
陽是則若會與邊異人

鄭伯汲猶引也鄭伯荒為臣所弑  
而不書弑此引而致于善事逃歸陳侯謂齊  
之會致

祖之會存中國也

公之出本為會吳故歸仍以會告也

楚公子貞鄭公孫輒帥師伐宋

左傳六月楚子囊鄭子耳伐宋師于訾母訾母杜注宋  
地當在今河



南鹿邑縣境

庚午圍宋門于桐門

桐門宋城門名

凡專將言帥師苟二國會則先序主兵者而不言帥師蓋諸侯猶務恤民而不輕用衆也鄭受晉師楚人勞役費起於宋故各用重兵而自是圍滅亦並稱帥師此春秋將變為戰國之漸也

晉師伐秦

左傳

晉荀罃伐秦報其侵也

侵在九年

秦嘗侵晉故知罃以師報之夫晉方圖楚不思樹

秦以為援而反搆秦以資敵非計之得者也

附錄  
左傳

衛侯救宋師于襄牛鄭子展曰必伐衛不然是

不與楚也得罪于晉又得罪于楚國將若之何子駟  
曰國病矣子展曰得罪于二大國必亡病不猶愈于  
亡乎諸大夫皆以為然故鄭皇耳帥師侵衛楚令也

亦兼受楚之救命  
也皇耳皇戌子

孫文子卜追之獻兆于定姜姜氏

問繇曰兆如山陵有夫出征而喪其雄姜氏曰征者  
喪雄禦寇之利也大夫圖之衛人追之孫蒯獲鄭皇

耳于犬丘

蒯孫林  
父子

秋七月楚子囊鄭子耳伐我西

鄙還圍蕭八月丙寅克之九月子耳侵宋北鄙孟獻

子曰鄭其有災乎師競已甚周猶不堪競況鄭乎有  
災其執政之三士乎

秋莒人伐我東鄙

左傳

莒人閒諸侯之有事也故伐我東鄙

莒屢同晉悼之盟而乘間加兵於魯其無忌憚甚  
矣

公會晉侯宋公衛侯曹伯莒子邾子齊世子光滕子薛

伯杞伯小邾子伐鄭

此三駕之一

左傳諸侯伐鄭齊崔杼使太子光先至于師故長于滕

己酉師于牛首

牛首杜注鄭地

齊世子光序四君上蓋晉悼以齊大國光復先至  
心嘉其勤遂進之以勸來者此伯主樓諸侯之術  
也直書其事義自見矣

冬盜殺鄭公子騂公子發公孫輒

騂公羊殺梁作斐書盜始此

左傳初子駟與尉止有爭將禦諸侯之師而黜其車禦

首師也  
黜減損

尉止獲

獲囚

又與之爭子駟抑尉止曰爾車

非禮也遂弗使獻

不使獻  
所獲

初子駟為田洹洹田畔司

氏堵氏侯氏子師氏皆喪田焉

侵四族田

故五族聚羣不

逞之人因公子之徒以作亂

八年子駟所殺  
公子嬰等之黨

于是子

駟當國子國為司馬子耳為司空子孔為司徒冬十

月戊辰尉止司臣侯晉堵女父子師僕帥賊以入晨

攻執政于西宮之朝殺子駟子國子耳劫鄭伯以如

北宮子孔知之故不死

子孔公子嘉知難不告書曰為十九年殺公子嘉傳

盜言無大夫焉

尉止等五人皆士也

子西聞盜

子西公孫夏子駟子

不儆

而出尸而追盜

先臨尸而追盜

盜入于北宮乃歸授甲臣妾

多逃器用多喪子產聞盜

子產子國子

為門者

置守門

庀羣

司閉府庫慎閉藏完守備成列而後出兵車十七乘

千二百七十五人

尸而攻盜于北宮子驕帥國人助之殺尉

止子師僕盜衆盡死侯晉奔晉堵女父司臣尉翩司

齊奔宋

尉翩尉止子司齊司臣子

子孔當國

代子

為載書以位序

聽政辟

自羣卿諸司各守其職位以受執政之法不得與朝政

大夫諸司門子

弗順將誅之

子孔欲誅不順者

子產止之請為之焚書子孔

不可曰為書以定國衆怒而焚之是衆為政也國不

亦難乎子產曰衆怒難犯專欲難成合二難以安國

危之道也不如焚書以安衆子得所欲衆亦得安不

亦可乎專欲無成犯衆興禍子必從之乃焚書于倉

門之外

不於朝內焚欲使遠近見所燒

衆而後定

殺梁

稱盜以殺大夫弗以上下道惡上也

兩下相殺不志乎春

秋惡鄭伯不能修政刑致盜殺大夫  
也以上下道常言鄭人殺其大夫

盜殺三卿不稱其大夫者正義云凡言其者其所  
有也君實臣之君故書弑其君臣實君之臣故書  
殺其大夫盜者寇賊之名被殺者非盜之所有既  
以盜為文故不得言其大夫其說精矣但欲書大  
夫獨不可如蔡侯申例而書曰盜殺鄭大夫某乎  
蓋非者主從楚以勞中國又弑君之賊也而發輒  
惟駢是從惡積不可掩鄭不能討而盜得殺之故



不書大夫當討之賊也不書鄭人不以討賊之義  
予尉止等也

戍鄭虎牢

楚公子貞帥師救鄭

左傳諸侯之師城虎牢而戍之晉師城梧及制欲以偏

城魯不與也梧制杜注皆鄭舊地素士魴魏絳戍之

書曰戍鄭虎牢非鄭地也言將歸焉鄭服則欲以還

見晉志鄭及晉平楚子囊救鄭十一月諸侯之師還

鄭而南至陽陵

還繞也陽陵杜注鄭地在今河南許州西北

楚師不退

知武子欲退曰今我逃楚楚必驕驕則可與戰矣樂

鰲曰逃楚晉之恥也合諸侯以益恥不如死我將獨

進師遂進己亥與楚師夾潁而軍

潁杜注潁水出城陽至下蔡入淮

子蟜曰諸侯既有成行必不戰矣從之將退不從亦

退

從猶服也

退楚必圍我猶將退也不如從楚亦以退之

以退楚

宵涉潁與楚人盟樂鰲欲伐鄭師

伐涉潁者

荀營不

可曰我實不能禦楚又不能庇鄭鄭何罪不如致怨

焉而還

為後伐之資

今伐其師楚必救之戰而不克為諸

侯笑克不可命

勝負難要不可命以必克

不如還也丁未諸侯之

師還侵鄭北鄙而歸

欲以致怨

楚人亦還

公羊傳

孰戍之諸侯戍之昌為不言諸侯戍之離至不

可得而序故言我也諸侯已取之矣昌為繫之鄭

據營

牟夷以牟婁米奔奉祀之邑不繫于祀

諸侯莫之主有故反繫之鄭

殺梁傅

其曰鄭虎牢決鄭乎虎牢也

二年鄭去楚從中國故城虎牢不言

鄭使與內無異後數反覆故繫之鄭若決絕而棄外然

諸侯伐鄭而鄭不下於是乎頓兵虎牢為久駐計  
非遣兵往戍若戍陳比也晉人主於扼鄭而使之  
自服肆楚而使之自疲故不與楚戰而惟示鄭以  
必克之勢是以諸侯方戍鄭即請成曰戍鄭虎牢  
明戍其要地以阨之而非為鄭戍也楚書救非善  
之也蓋紀其實且見晉有成謀楚雖欲救而不能  
耳

公至自伐鄭

虎牢既戍鄭將自服故以伐致而策勲焉

附錄左傳

王叔陳生與伯輿爭政

二子王卿士

王右伯輿右王助

叔陳生怒而出奔及河王復之殺史絞以說焉不入

遂處之

處叔河上

晉侯使士臼平王室王叔與伯輿訟焉

王叔之宰與伯輿之大夫瑕禽坐獄于王庭

瑕禽伯輿屬大

夫周禮命夫命婦不躬坐獄訟故使宰與屬大夫對爭曲直

士臼聽之王叔之宰

曰華門閨竇之人而皆陵其上其難為上矣

華門柴門閨竇

小戶穿壁為戶上銳下方狀如圭也言伯輿微賤之家

瑕禽曰昔平王東遷吾

七姓從王牲用備具王賴之而賜之騂旄之盟

平王使時

大臣從者七姓伯與祖在其中主為王備犧牲共祭祀王恃其用故與之盟使世守其職騂旄赤牛也舉騂旄者言得重盟不以犬雞曰世世無失職若軍門閭竇其能來

東底乎且王何賴焉今自王叔之相也政以賄成

隨財

制而刑放于寵

寵臣專刑不任法

官之師旅不勝其富吾能

無軍門閭竇乎唯大國圖之下而無直則何謂正矣

正者不失下之直

范宣子曰天子所右寡君亦右之所左亦

左之

宣子知伯與直不欲自專故推之于王

使王叔氏與伯與合要

合要

辭如今  
辨答也

王叔氏不能舉其契

理曲無以答故不  
能舉其要契之辭

王叔

奔晉不書不告也單靖公為卿士以相王室

十有一年春王正月作三軍

左十一年春季武子將作三軍

魯本無中軍唯上下  
二軍皆屬於公有事

三卿更帥以征伐季氏欲專其  
民人故假立中軍因以政作

告叔孫穆子曰請為

三軍各征其軍

征賦  
稅也

穆子曰政將及子子必不能

政者

軍國之政令禮大國三軍魯次國而  
為大國之制貢賦必重故憂不能堪

武子固請之穆

子曰然則盟諸

穆子知季氏將  
復變易故盟之

乃盟諸僖闕

僖宮  
之門詛

諸五父之衢

五父衢道名在魯國東南祖以禍福之言相要

正月作三軍三

分公室而各有其一三子各毀其乘

壞其私乘分季以足成三軍季

氏使其乘之人以其役邑入者無征不入者倍征

役力

役邑賦稅設利害以懼民驅使入己民辟倍征故盡屬季氏

孟氏使季為臣若子

若弟

取其子弟之半也四分其乘之人以三歸公而取其一

叔孫氏使盡為臣

盡取子弟以其父兄歸公

不然不舍

公羊傳

三軍者何三卿也作三軍何以書譏何譏爾古

者上卿下卿上士下士

古制諸侯有司徒司空上下卿各一上士相上卿下士相



下卿今蓋司馬作中  
卿官踰王制故議之

穀梁傳穀梁作為也古者天子六師諸侯一軍作三軍非正也

費誓稱魯人三郊三遂說者謂大國三軍故三郊  
三遂則三軍魯之舊也何以謂之作蓋前此民皆  
屬公故車曰公車徒曰公徒屬有侵伐之事諸卿  
遞將不一其權是魯之三軍也至是襄公幼弱政  
歸季氏遂分國民為三三家各有其一又各以父

兄子弟分為四季氏盡取四分叔孫氏取子弟而以父兄歸公孟氏止取其子弟之半而以三歸公於是但有私家之軍而無公室之軍矣是以謂之作作者不宜作也亂王制弱公室故謹書之

夏四月四卜郊不從乃不郊

梁夏四月不時也四卜非禮也

四卜郊不從事已見於僖公但於彼書免牲而於此書不郊者蓋言免牲則不郊可知云不郊則卜

免牲不吉而不敢免也

鄭公孫舍之帥師侵宋

左傳鄭人患晉楚之故諸大夫曰不從晉國幾亡楚弱

于晉晉不吾疾也

疾急也

晉疾楚將辟之何為而使晉

師致死于我楚弗敢敵而後可固與也子展曰與宋  
為惡諸侯必至吾從之盟楚師至吾又從之則晉怒  
甚矣晉能驟來楚將不能吾乃固與晉大夫說之使  
疆場之司惡于宋宋向戌侵鄭大獲子展曰師而伐

宋可矣若我伐宋諸侯之伐我必疾吾乃聽命焉且告于楚楚師至吾又與之盟而重賂晉師乃免矣夏

鄭子展侵宋

欲以致諸侯

鄭人見楚弱于晉故侵宋以激晉怒使致死于鄭楚弗敢敵然後固與晉而不知為國之本在修德政以自彊敦信義以睦鄰徒幸敵之少懦以苟安計亦左矣

公會晉侯宋公衛侯曹伯齊世子光莒子邾子滕子薛

伯杞伯小邾子伐鄭

此三駕之二

左傳

四月諸侯伐鄭已亥齊大子光宋向戌先至于鄭

門于東門

釋齊大子光所以序營上也向戌不書宋公在會故

其莫晉荀瑩至

于西郊東侵舊許

舊許杜注許之舊國鄭新邑案成十五年許遷于葉則許之舊國為

鄭所有故謂之舊許

衛孫林父侵其北鄙六月諸侯會于北林

師于向

向杜注地在潁川長社縣東北今河南尉氏縣西南有向城

右還次于瑣

北行而西為右還瑣杜注滎陽宛陵縣西有瑣侯亭在今河南新鄭縣北

圍鄭觀兵于南

門西濟于濟隧

濟隧杜注水名水經注濟水伏流自河而出陰溝上源濟隧絕焉世謂之

十字  
溝

是時諸侯之戍常在虎牢故國君一集即可聲罪  
致討而兵力不勞此鄭所以不能支也

秋七月己未同盟于亳城北

亳公羊穀梁作京亳城杜注鄭地當在今河南偃師

縣

左傳鄭人懼乃行成秋七月同盟于亳范宣子曰不愼

必失諸侯

慎敬威儀謹辭令

諸侯道敝而無成能無貳乎乃

盟載書曰凡我同盟毋蘊年

蘊積年穀而不分災

毋壅利毋保

姦母留慝救災患恤禍亂同好惡獎王室或間茲命

司慎司盟

二司天神

名山名川羣神羣祀先王先公

先王諸侯

之大祖先公始封君

七姓十二國之祖

七姓晉魯衛鄭曹滕姬姓邾小邾曹姓宋子姓

齊姜姓莒己姓杞姒姓薛任姓實十三國言十二誤也

明神殛之俾失其民隊

命亡氏踣其國家

踣斃也

公至自伐鄭

殺梁

不以後致

謂盟在伐後

盟後復伐鄭也

以前事致者見雖同盟而未得鄭也柯陵之盟亦

未能得鄭而書至異穀梁以此為盟後更伐柯陵  
獨非盟後復伐乎蓋厲公三伐終不能服鄭故以  
常例書之此則三駕之後蕭魚始以會致故前二  
役致伐以見兵事之未可息而終致會以見諸國  
之所由息肩也

楚子鄭伯伐宋

左傳楚子囊乞旅于秦秦右大夫詹帥師從楚子將以

伐鄭鄭伯逆之丙子伐宋

秦師不肅不與伐宋而還



盖用公孫舍之致晉之謀也據事以書而鄭之反復具見矣

公會晉侯宋公衛侯曹伯齊世子光莒子邾子滕子薛

伯杞伯小邾子伐鄭會于蕭魚

此三駕之三蕭魚杜注鄭地路史少昊後嬴姓

國修魚即蕭魚也

左傳九月諸侯悉師以復伐鄭鄭人使良霄大宰石臬

如楚告將服于晉曰孤以社稷之故不能懷君君若能以玉帛綏晉不然則武震以攝威之孤之願也楚

人執之書曰行人言使人也

既成而後告故書在蕭魚下石與為介故不書

諸侯之師觀兵于鄭東門鄭人使王子伯駢行成甲

戌晉趙武入盟鄭伯冬十月丁亥鄭子展出盟晉侯

十二月戊寅會于蕭魚

經書秋史失之

庚辰赦鄭囚皆禮而

歸之納斥侯禁侵掠晉侯使叔肸告于諸侯

叔肸叔向也告

諸侯亦使赦鄭囚

公使臧孫紇對曰凡我同盟小國有罪大

國致討苟有以藉手鮮不赦宥寡君聞命美鄭人賂

晉侯以師惸師觸師蠲

惸觸蠲皆樂師名

廣車輶車淳十五

乘甲兵備

廣車軹車皆兵車名淳耦也廣軹車相耦凡十五乘

凡兵車百乘

他兵

車及廣軹共百乘

歌鐘二肆

肆列也縣鐘十六為一肆二肆三十二枚

及其鑄磬

鑄磬皆樂器

女樂二八

十六人

晉侯以樂之半賜魏絳曰子

教寡人和諸戎狄以正諸華八年之中九合諸侯

九合

諸侯謂五年會戚又會城棣救陳七年會鄆八年會邢丘九年盟于戲十年會祖又伐鄭成虎牢十一年

同盟亳城北又會蕭魚

如樂之和無所不諧請與子樂之辭曰

夫和戎狄國之福也八年之中九合諸侯諸侯無慝

君之靈也二三子之勞也臣何力之有焉抑臣願君

安其樂而思其終也詩曰樂只君子殿天子之邦

詩小

雅殿鎮也

樂只君子福祿攸同便蕃左右亦是帥從

便蕃數也

言遠人相帥來服從便蕃然在左右

夫樂以安德

和其心

義以處之禮以

行之信以守之仁以厲之

厲風俗

而後可以殿邦國同

福祿來遠人所謂樂也書曰居安思危

逸書

思則有備

有備無患敢以此規公曰子之教敢不承命抑微子

寡人無以待戎不能濟河

渡河南服鄭

夫賞國之典也藏

在盟府

司盟之府有賞功之制

不可廢也子其受之魏絳于是

乎始有金石之樂禮也

禮大夫有功則賜樂

公羊傳

此伐鄭也其言會于蕭魚何蓋鄭與會爾

地會而後伐未集事之辭也伐而後地會集事之辭也伐鄭會於蕭魚書法與盟於召陵同皆經之特筆所以序霸績也蓋自悼公能用魏絳息民之策聽知罃不與楚戰以逸待勞楚不能應遂全師以服鄭而悼公信鄭不疑不復以諸侯同盟鄭自此不叛晉者二十四年則謀能制勝誠足感人之

效也不書鄭會以下書楚人執鄭行人良霄則得鄭可知矣

公至自會

穀梁傳 伐而後會不以伐鄭致得鄭伯之辭也

鄭與會而服諸侯喜之故以會致厲公三伐終以伐致悼公三伐終以會致揆以當日情事皆魯史據告廟之辭以書於策非聖人變易其辭以為褒貶也

楚人執鄭行人良霄

霄穀梁作霄

穀梁傳

行人者挈國之辭也

挈猶傳也行人傳國之辭命者

執而不稱行人以己執也稱行人而執以其事執也書楚執鄭行人良霄見楚之力盡於是矣

冬秦人伐晉

左傳

秦庶長鮑庶長武帥師伐晉以救鄭

庶長秦將

鮑先入

晉地士魴御之少秦師而弗設備壬午武濟自輔氏

從輔氏渡河

與鮑交伐晉師己丑秦晉戰于櫟

櫟杜注晉地

晉

師敗績易秦故也

秦與楚婚於是為楚伐晉報十年之伐敗晉於櫟  
不書晉不告也

十有二年春王三月莒人伐我東鄙圍台季孫宿帥師  
救台遂入鄆

台穀梁作郛杜注瑯琊費縣南有台亭今費縣屬山東兗州府鄆公羊作運杜注莒

邑

左十二年春莒人伐我東鄙圍台季武子救台遂入  
鄆取其鐘以為公盤



公羊傳邑不言圍此其言圍何伐而言圍者取邑之辭

也伐而不言圍者非取邑之辭也

外取魯邑不直言取諱恥也

大夫無遂事此其言遂何公不得為政爾

穀梁傳伐國不言圍邑舉重也

伐國重國邑輕

取邑不書圍安

足書也

不足書而今書蓋為下事起

遂繼事也受命而救卻不

受命而入鄆惡季孫宿也

文十二年嘗帥師城鄆矣魯不能守復為莒所取

今季孫宿因救台而遂入之大夫無遂事遂者專

行不忌之辭惡宿之擅權而公不得為政也

夏晉侯使士魴來聘

左傳夏晉士魴來聘且拜師

謝前年代鄭師

晉悼服鄭制楚而修禮於諸侯善持勝也

秋九月吳子乘卒

吳始書卒

左傳秋吳子壽夢卒臨于周廟禮也

周廟文王廟也周公出文王故魯立

其廟凡諸侯之喪異姓臨于外

于城外向其國

同姓于宗廟

所出

王之廟

同宗于祖廟

始封君之廟

同族于禰廟

父廟也同族謂高祖以下

是故魯為諸姬臨于周廟

諸同姓國

為邢凡蔣茅胙祭臨

于周公之廟

即祖廟也六國皆周公之支子別封為國共祖周公

吳子書卒以其暴盛赴告相及而諸侯重之也不

書葬非不會也削之以避其僭號與楚同例

冬楚公子貞帥師侵宋

左傳冬楚子囊秦庶長無地伐宋師于楊梁以報晉之

取鄭也

楊梁杜注梁國睢陽縣東有地名楊梁水經注渙水東逕陽亭北即楊梁也在今河南歸

德府城

東南

據傳楚人率秦伐宋不書秦以師屬楚也自是不復有事於北方以楚審旋卒而又與吳構怨耳

附錄左傳

靈王求后于齊齊侯問對于晏桓子桓子對曰

先王之禮辭有之天子求后于諸侯諸侯對曰夫婦

所生若而人

不敢譽亦不敢毀故曰若而人

妾婦之子若而人

言非適也

無女而有姊妹及姑姊妹則曰先守某公之遺女若

而人齊侯許昏王使陰里結之

陰里周大夫結成也為十五年劉夏逆王

后傳

公如晉

左傳公如晉朝且拜士魴之辱禮也

晉侯一使人來聘公即親往拜之事晉之禮過於

恭矣

附錄秦嬴歸于楚秦景公妹為楚司馬子庚聘于秦

左傳秦嬴歸于楚楚共王夫人  
子庚莊王為夫人寧禮也

十有三年春公至自晉

左傳十三年春公至自晉孟獻子書勞于廟書勲勞于策禮

也

桓二年傳公至自唐告于廟也凡公行告于宗廟  
反行飲至舍爵策勲焉禮也桓十六年傳公至自  
伐鄭以飲至之禮此年傳書勞于廟故先儒通其  
意謂告廟飲至書勞凡三事偏行一禮則必書至  
悉闕則史無其文按曾子問諸侯出而反必親告  
於祖禰則雖無事反必告廟禮也而春秋公行多  
不書至蓋會盟侵伐其事繁猥必有勲勞可書或

自喜其事而行飲至之禮乃告於廟其餘則怠於禮或醜其事而不告則史無其文其事無可醜而不告者怠於禮也齊桓之會不致是也事可醜而告者自危也成公十年如晉見止送葬而書至之類是也

夏取邾

邾公羊作詩杜注任城亢父縣有邾亭在今山東濟寧州東南

左傳夏邾亂分為三師救邾遂取之

師魯也

凡書取言易

也

用師不勞雖國亦曰取

用大師焉曰滅

用力難重雖邑亦曰滅

弗地曰

入謂不有其地

公羊傳詩者何邾婁之邑也曷為不繫乎邾婁諱亟也

諱背蕭魚之會亟

凡書取者或乘其衰亂或受其清叛或用少師而未嘗頓兵勞力皆直書取惟魯滅小國有諱而書取者視若己地而取之也然諱之適所以張之此傳所謂微而顯者與邾微國也

附錄左傳

荀罃士魴卒

罃中軍將魴下軍佐

晉侯蒐于縣上以治兵



使士匄將中軍辭曰伯游長

伯游荀偃

昔臣習于知伯是

以佐之非能賢也請從伯游荀偃將中軍

代荀

士匄

佐之

位如故

使韓起將上軍辭以趙武又使欒黶

以武位卑

故不聽更命

欒黶曰臣不如韓起韓起願上趙武君其聽之

使趙武將上軍

武自新軍起四等代荀偃

韓起佐之

位如故

欒黶將

下軍魏絳佐之

欒亦如故絳自新軍佐起一等代士匄

新軍無帥

將佐皆違

晉侯難其人使其什吏

什吏謂十人長也

率其卒乘官屬以

從於下軍禮也晉國之民是以大和諸侯遂睦君子

曰讓禮之主也范宣子讓其下皆讓樂廢為汰弗敢

違也晉國以平數世賴之刑善也夫

刑法也

一人刑善

百姓休和可不務乎書曰一人有慶兆民賴之其寧

惟永其是之謂乎

周書呂刑義取上有好善之慶則下賴其福而長安也

周之

興也其詩曰儀刑文王萬邦作孚

詩大雅言文王善用法故能為萬邦

所信乎信也

言刑善也及其衰也其詩曰大夫不均我從

事獨賢

詩小雅刺幽王役使不均故從事者怨恨稱已之勞以為獨賢無讓心

言不讓

也世之治也君子尚能而讓其下小人農力以事其

上是以上下有禮而讒慝黜遠由不爭也謂之懿德  
及其亂也君子稱其功以加小人加陵也君小人在位者伐  
其技以馮君子馮亦凌也是以上下無禮亂虐並生由爭  
善也謂之昏德國家之敝恒必由之

秋九月庚辰楚子審卒

左傳楚子疾告大夫曰不穀不德少主社稷生十年而

喪先君未及習師保之教訓而應受多福多福謂是為君

以不德而忘師于鄢成十六年戰鄢以辱社稷為大夫憂其

弘多矣

弘大也

若以大夫之靈獲保首領以歿于地唯

是春秋寔宥之事

寔厚也宥夜也厚夜猶長夜謂葬埋

所以從先君於

禰廟者請為靈若厲

欲受惡謚也亂而不損曰靈戮殺不辜曰厲

大夫擇

焉莫對及五命乃許秋楚共王卒子囊謀謚大夫曰

君有命矣子囊曰君命以共若之何毀之赫赫楚國

而君臨之撫有蠻夷奄征南海以屬諸夏而知其過

可不謂共乎請謚之共大夫從之

傳言子囊之善

附錄左傳吳侵楚養由基奔命子庚以師繼之子庚楚養由基

叔曰

即養由基

吳乘我喪謂我不能師也必易我而不戒

子為三覆以待我我請誘之子庚從之戰于庸浦

庸浦

杜注楚地當在今江南無為州南

大敗吳師獲公子黨君子以吳為

不弔詩曰不弔昊天亂靡有定

詩小雅言不為昊天所恤則致罪也為明

年會向傳

冬城防

左傳冬城防書事時也于是將早城臧武仲請俟畢農

事禮也

魯有二防一近宋隱十年伐宋取防是也一近齊  
隱九年公會齊侯于防是也此所城乃近齊之防  
魯既事晉而外齊故城防以備之而明年齊卒有  
圍成之役則懼齊明矣

附錄

左傳鄭良霄大宰石臬猶在楚

十一年楚人執之至今

石臬言

于子囊曰先王卜征五年

先五年而卜其吉凶也征謂巡守征行

而歲

習其祥祥習則行

五年習卜皆同吉乃巡守

不習則增修德而改

卜

不習謂卜不吉

今楚實不競行人何罪止鄭一卿以除其

偪

良一卿謂良霄

使睦而疾楚以固于晉焉用之使歸而廢

其使

言往者鄭使良霄至楚其意欲楚執之得有辭以堅事晉今釋使歸則鄭無辭于楚是廢其本

使之

怨其君以疾其大夫而相牽引也不猶愈乎楚

人歸之

日講春秋解義卷三十九